

## VOYAGA YETMAGANLAR JINOYATCHILIGI VA UNING OLDINI OLISH OMILLARI

**Tileuov Erkinbay Muratbaevich**

Nukus davlat pedagogika instituti

Milliy g'oya, ma'naviyat asoslari va huquq ta'limi kafedrasi mudiri

Pedagogika fanlari bo'yicha falsafa doktori (PhD), dotsent

<https://doi.org/10.5281/zenodo.14869303>

**Annotatsiya.** Mazkur maqolada voyaga yetmaganlar jinoyatchiligi va uning oldini olish omillari, ularning shaxsiy xarakteridagi o'ziga xos xususiyatlari, voyaga yetmaganlar o'rtasida jinoyatlar va huquqbuzarliklarni oldini olish borasida mamlakatimizda olib borilayotgan ishlar, voyaga yetmaganlar o'rtasida solir etilgan jinoyatlar haqida statistika ma'lumotlar, voyaga yetmagan huquqbuzarlarning shaxsining kriminologik tavsifi haqida xorijiy huquqshunoslarning qarashlari tahlil qilingan.

**Kalit so'zlar:** voyaga yetmaganlar, kriminologik tavsif, statistika, huquqbuzarlik, jinoyat kodeksi, siyosat, huquq, qonun.

## JUVENILE CRIMINALITY AND ITS PREVENTIVE FACTORS

**Abstract.** This article analyzes the factors of juvenile delinquency and its prevention, the specific characteristics of their personal character, the work carried out in our country to prevent crimes and offenses among minors, statistical data on crimes committed among minors, the views of foreign jurists on the criminal description of the personality of juvenile offenders.

**Key words:** minors, criminological description, statistics, offense, criminal code, policy, law, law.

## ПРЕСТУПНОСТЬ НЕСОВЕРШЕННОЛЕТНИХ И ФАКТОРЫ ЕЕ ПРОФИЛАКТИКИ

**Аннотация.** В статье анализируются факторы преступности несовершеннолетних и ее профилактики, особенности их личностного характера, работа, проводимая в нашей стране по профилактике преступлений и правонарушений среди несовершеннолетних, статистические данные о преступлениях, совершаемых среди несовершеннолетних, взгляды зарубежных юристов на криминальную характеристику личности несовершеннолетних правонарушителей.

**Ключевые слова:** несовершеннолетние, криминологическая характеристика, статистика, правонарушение, уголовный кодекс, политика, закон, закон.

**Kirish.** Bugungi kunda voyaga yetmaganlar o'rtasida jinoyatchilik va huquqbuzarliklarning o'sib borishi jamiyatimizning turli qatlamlarini tashvishga solmoqda. Shu sababli mamlakatimizda voyaga yetmaganlar va yoshlar o'rtasida huquqbuzarliklarning sodir etilishi holatlarini barvaqt oldini olish bo'yicha samarali tizim yo'lga qo'yildi. Xususan, mustaqilligimiz qo'lga kiritilganidan 3 oy o'tmasdan, ya'ni 1991 yil 20 noyabrda "O'zbekiston Respublikasida yoshlarga oid davlat siyosatining asoslari to'g'risida"gi Qonun qabul qilindi. 2016 yilga kelib "O'zbekiston Respublikasida yoshlarga oid davlat siyosati to'g'risida"gi qonun yangi tahrirda qabul qilindi. Bundan tashqari, "Bola huquqlarining kafolatlari to'g'risida"gi, "Voyaga yetmaganlar o'rtasida nazoratsizlik va huquqbuzarliklarning profilaktikasi to'g'risida"gi, "Bolalarni ularning sog'lig'iga zarar yetkazuvchi axborotdan himoya qilish to'g'risida"gi qonunlar qabul qilindi, qator xalqaro hujjatlar ratifikatsiya qilindi. Shuningdek, O'zbekiston Respublikasi Prezidenti Shavkat Mirziyoyev Birlashgan Millatlar Tashkiloti Bosh Assambleyasining 75-sessiyasidagi umumsiyosiy munozaralarida ham yoshlar mavzusiga alohida to'xtalishi masalaning dolzarbligidan dalolat beradi. Jumaladan, Prezidentimiz Shavkat Mirziyoyev mazkur muaammoga alohida e'tibor berib prezidentligining dastlabki yillarida quyidagicha fikrni ta'kidlagan: "Barcha hududlarda, har mahalla va oilada ma'naviy muhitni yaxshilash maqsadida uyma-uy yurish va bunga keng jamoatchilik jalb etish yuzasidan yangi ish uslublari joriy etilganiga qaramay, hali kutilgan natijalarga to'liq erishilgani yo'q.

Masalan, Farg'ona viloyatida voyaga yetmaganlar orasida jinoyatchilik o'sgan. Umuman, o'tgan 7 oy mobaynida viloyatda voyaga yetmaganlar tomonidan 129 jinoyat sodir etilgan. Viloyatning 10 shahri va tumanida voyaga yetmagan bolalarni uyda yashirinchalari diniy o'qitish holatlari aniqlangan. [1]. Prezidentimizning mazkur nutqi tasdig'i o'larok, yoshlar, jumladan voyaga yetmaganlar o'rtasida jinoyatchilik va huquqbuzarliklar profilaktikasini amalga oshirish bo'yicha ta'sirchan mexanizmlarni ishlab chiqish maqsadida O'zbekiston Respublikasi Vazirlar Mahkamasi "O'zbekistonda yoshlarga oid davlat siyosatini 2025 yilgacha rivojlantirish konsepsiyasini tasdiqlash to'g'risida"gi qarorni qabul qildi. Ushbu say-harakatlar oqibatida voyaga yetmaganlar o'rtasida sodir etilayotgan huquqbuzarliklar va jinoyatlarning soni sezilarli darajada kamayganini ko'rishimiz mumkin. Xususan, statistik ma'lumotlarga ko'ra, respublikamizda voyaga yetmaganlar tomonidan sodir etilgan jinoyatlar soni 2018 yilda 938 tani, 2019 yilda 739 tani, 2020 yilning birinchi yarmida 338 tani tashkil etgan[2].

Voyaga yetmagan jinoyatchilarning shaxsiy xususiyatlarini o'rganishda ularning jinsi, yoshi, ijtimoiy bandligini muhim ahamiyatga ega. Sababi ushbu xususiyatlarni bilish orqali voyaga

yetmaganlar orasida aynan qaysi toifadagilar huquqbuzarlik sodir etishga moyil bo'лади va voyaga yetmaganlar tomonidan huquqbuzarliklarni sodir etilishiga nimalar sababchi bo'лади kabi savollarga javob topgan holda voyaga yetmaganlar o'rtasida huquqbuzarlik va jinoyatlar sodir etilishini oldini olish mumkin.

Voyaga yetmaganlar jinoyatchiligi — bu ijtimoiy muammolardan biri bo'lib, yosh avlodning jinoyatchilikka jalb qilinishi, ularning ijtimoiy hayotga integratsiyasi va tarbiyasi bilan bog'liq. Ushbu maqolada voyaga yetmaganlar jinoyatchiligining sabablari, uning oqibatlari va oldini olish omillari ko'rib chiqiladi.

Jinoyat huquqida voyaga yetmagan shaxs deganda, jinoyat sodir etgunga qadar 14 yoshga to'lgan, ammo 18 yoshga to'lmagan shaxs tushuniladi. O'zbekiston Respublikasi Jinoyat kodeksining 17-moddasiga muvofiq, jinoyat sodir etgunga qadar 16 yoshga to'lgan, aqli raso, jismoniy shaxslar jinoyatning umumiy sub'ekti sifatida javobgarlikka tortiladilar. Jinoyat sodir etgunga qadar o'n to'rt yoshga to'lgan shaxslar javobgarlikni og'irlashtiradigan holatlarda qasddan odam o'ldirganliklari (97-m.2-q) uchungina javobgarlikka tortiladilar. Jinoyat sodir etgunga qadar o'n to'rt yoshga to'lgan shaxslar odam o'ldirganlik (JK 97-m 1-q), qasddan badanga og'ir shikast yetkazish (JK 104-moddasi), qasddan badanga o'rtacha og'ir shikast yetkazish (JK 105-m), nomusga tegish (JK 118-m), bosqinchilik (JK 164-m), tovlamachilik (JK 165-m), talonchilik (JK 166-m), firibgarlik (JK 168-m), o'g'irlik (JK 169-m), bezorilik (JK 277-m.2-,3-q. ) va boshqa jinoyatlar uchun javobgarlikka tortiladilar. JK 17-moddasiga asosan 16 yoshga to'lgan aqli raso jismoniy shaxslar jinoiy javobgarlikka tortilishi mumkin. Yuridik adabiyotlarda ko'pincha voyaga yetmaganlarni ikki turkumga bo'ladilar. O'n to'rt yoshdan o'n olti yoshgacha bo'lgan shaxslarni kichik yoshdagi voyaga yetmaganlar, o'n olti yoshdan o'n sakkiz yoshgacha bo'lganlarni katta yoshdagi voyaga yetmaganlar deb hisoblaydilar.

Voyaga yetmaganlar jinoyatchiligining sabablari:

1. Ijtimoiy muhit: Voyaga yetmaganlar jinoiyatchiligi ko'pincha ijtimoiy muhit bilan bog'liq. Oila, do'stlar va yashash joyidagi ijtimoiy muhit bolalarning xulq-atvoriga ta'sir qiladi. Agar bolalar jinoyatchilikka moyil bo'lgan muhitda o'sishsa, bu ularning jinoyatga jalb qilinish ehtimolini oshiradi.

2. Oila tarbiyasi: Oila — bolalarning dastlabki tarbiyalanuvchi muassasasi. Oila ichidagi nizolar, ota-onalarning e'tiborsizligi yoki g'amxo'rlik qilmasligi bolalarning jinoiy faoliyatga kirishishiga sabab bo'lishi mumkin.

3. Ta'lim muassasalari: Ta'lim tizimi ham voyaga yetmaganlarning jinoiy faoliyatiga ta'sir ko'rsatadi. Ta'lim muassasalaridagi o'zaro munosabatlar, bullying (tazyiq) holatlari va o'quv jarayonidagi qiyinchiliklar bolalarni jinoyatchilikka yo'naltirishi mumkin.

4. Ijtimoiy-iqtisodiy omillar: Ijtimoiy-iqtisodiy sharoitlar ham voyaga yetmaganlar jinoiyatchiligiga ta'sir qiladi. Qashshoqlik, ishsizlik va iqtisodiy beqarorlik bolalar uchun jinoyatchilikni bir imkoniyat sifatida ko'rishga olib kelishi mumkin.

Voyaga yetmaganlar jinoiyatchiligi nafaqat jinoyatchilar uchun, balki jamiyat uchun ham salbiy oqibatlarga olib keladi. Ular orasida:

1. Ijtimoiy izolyatsiya: Jinoyatga jalb qilingan voyaga yetmaganlar ko'pincha jamiyatdan izolyatsiya qilinadi, bu esa ularning ijtimoiy integratsiyasini qiyinlashtiradi.

2. Psixologik muammolar: Jinoyatga aralashgan bolalarda psixologik muammolar, stress va depressiya holatlari ko'payishi mumkin.

3. Jinoyatchilikning davom etishi: Voyaga yetmaganlar jinoiyatchiligi kattalar jinoiyatchiligiga olib kelishi mumkin, chunki jinoyatga kirishgan bolalar keyinchalik professional jinoyatchilarga aylanishi ehtimoli yuqori.

Voyaga yetmaganlar jinoiyatchiligini oldini olishda bir qator omillar muhim rol o'ynaydi:

1. Oila tarbiyasi: Ota-onalar bolalariga to'g'ri tarbiya berishlari, ularga axloqiy qadriyatlarni o'rgatishlari zarur. Oilada mehr-muhabbat va qo'llab-quvvatlash muhitini yaratish bolalarning sog'lom rivojlanishiga yordam beradi.

2. Ta'lim tizimi: Ta'lim muassasalari o'z o'quvchilariga ijtimoiy ko'nikmalarni o'rgatishi, bullyingga qarshi kurashishi va ijtimoiy adolatni ta'minlashi kerak. O'quvchilarga jinoyatchilikning salbiy oqibatlari haqida ma'lumot berish ham muhimdir.

3. Ijtimoiy dasturlar: Mahallalarda voyaga yetmaganlarni qo'llab-quvvatlash va ularning bandligini ta'minlash uchun turli dasturlar tashkil etilishi zarur. Sport, san'at va boshqa ijtimoiy faoliyatlar orqali bolalarning salbiy yo'lga kirishini oldini olish mumkin.

4. Psixologik yordam: Voyaga yetmaganlarga psixologik yordam ko'rsatish va ularning hissiy holatini yaxshilash uchun maxsus dasturlar ishlab chiqilishi lozim.

**Xulosa.** Xulosa o'rnida shuni aytishimiz mumkinki, voyaga yetmaganlarning kriminalistik harakterida quyidagi xususiyatlarni ko'rish mumkin ekan: –Voyaga yetmaganlar tomonidan huquqbuzardiklar aksariyat hollarda ular 14- 15 yoshlarida sodir etiladi; –Voyaga yetmaganlar tomonidan huquqbuzarliklar ko'p hollarda shavfqatsizlik sodir etiladi; –Voyaga yetmagan huqbuzarlarning xarakterida o'qish, shaxsiy rivojlanish va mehnat qiziqish bo'lmay, aksincha,

ko'ngilhushlikka, spirtli ichimliklar va giyoxvandlik vositlariga qiziqish kuchli bo'ladi; –Voyaga yetmaganlar huquqbuzarlarning aksariyat hollarda sog'lom oilaviy muhit bo'lmaydi va moddiy jihatdan qiyin ahvolda bo'ladi. Voyaga yetmaganlar jinoyatchiligi — bu murakkab ijtimoiy muammo bo'lib, uning oldini olish uchun birgalikda harakat qilish zarur. Oila, ta'lim muassasalari va jamiyatning barcha qatlamlari bu jarayonda muhim rol o'ynaydi. Faqatgina birgalikda ishlash orqali biz voyaga yetmaganlarning jinoy faoliyatga jalb qilinishini kamaytirishimiz mumkin.

#### REFERENCES

1. O'zbekiston Respublikasi Vazirlar Mahkamasining “Respublika bolalar ijtimoiy moslashuvi markazini tashkil etish to'grisida”gi 419- sonli Qarori, 2004 yil 7 sentyabr.
2. O'zbekiston Respublikasi Jinoyat kodeksi. 1994 yil 22 sentyabrdagi 2012-XII-son Qonun bilan tasdiqlangan, 01.04.1995 yildan kuchga kirgan. O'zbekiston Milliy Ensiklopediyasi. 3-tom. T.: 2002, - 704 b., 603- 606 betlar.
3. Karimova V.M. Yoshlarda o'zbek oilasi to'g'risidagi ijtimoiy tasavvurlar. Psix. fan. dok. diss. - T.: ToshDU, 1994. - B.309.
4. O.S.Qodirov “O'smirlarda (11-15 yosh) jinoyatmotivlari shakllanishining psixodiagnostikasi va psixokorreksiyasi” // Psixologiya fanlari bo'yicha falsafa doktori (PhD) ilmiy darajasini olish uchun tayyorlangan dissertasiya. T.: 2020, - 155 b.